



REPÚBLICA DEMOCRÁTICA DE TIMOR-LESTE

MINISTÉRIO DOS ASSUNTOS DOS COMBATENTES DA LIBERTAÇÃO NACIONAL

IX Governo Constitucional

LEI Nº 3/2024, Ioron 12 fulan Junhu

TERSEIRA ALTERASAUN

ba Lei nº 3/2006, Ioron 12 fulan abril

ESTATUTU KOMBATENTES

LIBERTASAUN NASIONAL



ÍNDISE

LEI N° 3/2024, loron 12 fulan Junhu

Terseira Alterasaun ba Lei n° 3/2006, loron 12 fulan Abril,

Estatutu Kombatentes Libertasaun Nasionál

Kapítulu I - Dispozisaun Jéral	21
Artigu 1.º Objetu.....	22
Artigu 2.º Objektivu.....	22
Artigu 3.º Defínisaun	23
Kapítulu II - Kombatente Libertasaun Nasionál	25
Artigu 4.º Sidadaun-sira Núdar Kombatente Libertasaun Nasionál.....	25
Artigu 5.º Sidadaun-sira Lá Rekoñese Núdar Kombatente Libertasaun Nasionál	26
Artigu 6.º Estrutura no Organizaun Rezisténsia	27
Artigu 7.º Sidadaun Estranjeiru	28
Artigu 8.º Kombatente Veteranu Libertasaun Nasionál	28
Artigu 9.º Kombatentes Fundador Movimentu ba Libertasaun Nasionál	29
Artigu 10.º Mártires Libertasaun Nasionál	29
Artigu 11.º Kontajen ba Tempu Militánsia iha Luta Libertasaun Nasionál.....	30
Artigu 12.º Lakon Kualidade Núdar Kombatente Libertasaun Nasionál	31
Kapítulu III - Rejistu, Arkivu no Baze Dadus	32
Seksaun I - Rejistu	32
Artigu 13.º Rejistu kualidade núdar Kombatente Libertasaun Nasionál	32

Artigu 14.º Sertidaun	34
Artigu 15.º Prazu ba Rejistu	34
Artigu 16.º Kompeténsia ba Rejistu	35
Artigu 18.º Rekursu no Reklamasauñ Hasoru Rejistu	35
Artigu 19.º Rejistu Liubá	37
Artigu 20.º Falsidade	37
Seksaun II - Arkivu no Baze Dadus	37
Artigu 21.º Arkivu no Baze Dadus	38
Artigu 22.º Kompeténsia ba Konservasaun no Jestaun ba Arkivu no Baze Dadus	38
Kapítulu IV - Direitu no Dever Kombatente Libertasaun Nasionál.....	39
Artigu 23.º Direitu Sira.....	39
Artigu 24.º Kontajen Tempu Dedikasaun ba Luta Núdar Servisu Prestadu ba Estadu	42
Artigu 25.º Pensaun Espesiál Subsisténsia	42
Artigu 26.º Pensaun Espesiál Reforma ba Kombatente Veteranu Libertasaun Nasionál.....	44
Artigu 27.º Pensaun Sobrevivénsia.....	45
Artigu 28.º Prestasaun Pekuniária Únika.....	47
Artigu 29.º Pensaun ho Valór Superiór	48
Artigu 30.º Diploma Onra.....	49
Artigu 31.º Kondekorasaun	49
Artigu 32.º Orden no Grau.....	51
Artigu 33.º Apoiante ba Luta Libertasaun Nasionál	53
Artigu 34.º Dever.....	53

Artigu 35.º Konseihu Kombatentes Libertasaun Nasionál.....	54
Kapítulu V - Istória ba Rezisténsia no ba Luta Libertasaun Nasionál.....	56
Artigu 36.º Istória Luta ba Libertasaun Nasionál.....	56
Artigu 37.º Muzeu no Arkivu Rezisténsia Nasionál	56
Kapítulu VI - Dispozisaun Finais.....	57
Artigu 38.º Desmobilizasaun ba Kombatentes FALINTIL	57
Artigu 39.º Poder Jerál ba Regulamentasaun	57
Artigu 40.º Medida Implementasaun	58
Artigu 41.º Tama iha Vigor	58

LEI N° 3/2024
Loron 12 fulan Junhu

Terseira Alterasaun ba Lei n° 3/2006, loron 12 fulan Abril,
Estatutu Kombatentes Libertasaun Nasionál

Númeru 3 iha artigu 11° husi Konstituisaun Repúblika Demokrátika Timor-Leste dehan katak “Estadu assegura protesaun espesiál ba ema mutiladu iha funu, no ema ne’ebé entrega nia vida ba funu tanba independénsia no soberania nasionál nia oan-kiak no dependente sira seluk no proteje ema hotu ne’ebé partisipa iha rezisténsia hasoru okupasaun estranjeira, tuir lei.”

Iha ne’ebé, liu husi Parlamentu Nasionál atu konkrétiza protesaun refére iha leten ho ninia medida sira husi apoiu ne’ebé mak regula iha Estatutu Kombatentes Libertasaun Nasionál iha Lei n.º 3/2006, loron 12 fulan Abril, altera ba Lei n.º 9/2009, loron 29 fulan Julho, no 2/2011, loron 23 fulan Marsu.

Liu ona tinan 17 ba aprovasaun kona-ba Estatutu Kombatentes Libertasaun Nasionál, hanoin ba esperiénsia ne’ebé iha-ona, importante atu promove rekonesimentu ofisiál ba Veteranus no Kombatentes Libertasaun Nasionál sira ne’ebé partisipa iha períodu perturbasaun luta ninian, katak, iha períodu akontesimentu entre tinan 1975 até 1978, ne’ebé korresponde ba períodu Baze Apoiu, liu-husi atribuisaun kondekorasaun no aktu sira seluk husi rekonesimentu.

Persija solusiona problema-sira ne'ebé iha relasaun ho falsifikasaun prova militánsia iha luta libertasaun nasional, implementasaun ba Prestasaun Pekuniária Únika, Atribuisaun Pensaun Sobrevivénsia no altera estrutura representativa husi Konsehu Kombatientes Libertasaun Nasionál, nune'e bele permite kontribuisaun-sira ba harmonia sosiál no estabilidade polítika nasional.

Nune'e, Parlamentu Nasionál dekreta, tuir nº 1 husi artigu 95.º Konstituisaun Repúblika, atu vale nu'udar lei, tuir mai ne'e:

Artigu 1.º

Objetu

Lei ida-ne'e aprova terseira alterasaun ba Lei nº 3/2006, lora 12 fulan Abril.

Artigu 2º

Alterasaun ba Lei nº 3/2006, lora 12 fulan abril

Artigu 3.º, 8.º, 10.º, 12.º, 13.º, 15.º, 18.º, 27.º, 28.º, 31.º, 32.º, 35.º e 38.º husi Lei Lei nº 3/2006, lora 12 fulan Abril, altera hosi lei nº 9/2009, lora 29 fulan Julhu, no 2/2011, lora 23 fulan Marsu, sei passa ho redasaun hanesan tuir mai:

Artigu 3.º

[...]

[...].

- a. [...];
- b. [...];
- c. [...];
- d. [...];
- e. [...];
- f. [...];
- g. [...];
- h. [...];
- i. "Patriotas Libertasaun Nasionál": Individu sira hotu-hotu ne'ebé sofre-tiha-ona violasaun-sira konaba direitos humanos tamba luta ba independénsia nasional.

Artigu 8.º

[...]

1. [...]
 - a) [...]
 - b) [...]
2. Determinasaun ba postu militar no sivil ne'ebé pertense ba kadru superiores, atu aplika dispozisaun iha alínea b) husi número liubá, halao ho dekretu hosi Prezidente Repúblika,

depois-rona-tiha hosi Konsehu Kombatentes Libertasaun Nasionál.

Artigu 10.º

[...]

Núdar Mártires Libertasaun Nasionál, ba efektus husi lei ida-ne'e:

- a) Militante-sira hotu-hotu iha luta ba indepedénsia nasionál ne'ebé mate ou lakon-ona entre loron 15 fulan Agostu tinan-1975 até loron 31 fulan Dezembru tinan-1978 tan virtude husi-sira-nia partisipasaun iha luta ida-ne'e;
- b) Militante-sira hotu-hotu iha luta ba indepedénsia nasionál ne'ebé mate ou lakon-ona iha faze rezisténsia até loron 25 fulan Outubru tinan-1999 tan virtude husi-sira-nia partisipasaun iha luta ida-ne'e;

Artigu 12.º

[...]

1. [...].
 - a) [...];
 - b) [...];
 - c) [...];
2. Iha kazu referidu husi número liubá, lakon kualidade hanesan Kombatente Libertasaun Nasionál sei implika:

- a) Suspensaun imediatu ba pagamentu husi pensaun-sira to'o data tránzitu-em-julgadu ho desizaun judisiál kondenatória, nomos sei lakon hotu direitu sira seluk.
 - b) [...]
3. [revogadu]

Artigu 13.º

[...]

1. Rekonhesimentu kualidade núdar Kombatente Libertasaun Nasionál depende ba rejistu, ho exsesaun ba kuadru superiores husi estrutura ou organizaun rezisténsia iha termu sira husi artigu 6.º, 8.º, n.º 1, al. b) no artigu 9.º.
2. [...].
3. [...].
4. [...].
5. [...].
6. [...].
7. [...].
8. Kompeténsia Governu-nian atu inklui iha arkivu no baze-dadus ba dadus pessoal-sira ne'ebé hanesan kuadrus superior iha estrutura ou organizaun Rezisténsia refere iha n.º 1.

Artigu 15.º

[...]

1. [...].
2. [...].
3. Prazu ba rejistu sei bele proproga¹, ho tempu labele liu-husi fulan 12, ho dekretu Governu, bazeia ba pedidu fundamentadu² husi entidade responsável ba rejistu no depois-rona-tiha hosi Konsehu Kombatentes Libertasaun Nasionál.
4. Pedidu abertura foun ba rejistu sei aprova ho dekretu Governu, apresenta hosi membru Governu responsável ba assuntu Kombatentes Libertasaun Nasionál, ho deit proposta husi Konsehu Kombatentes Libertasaun Nasionál.

Artigu 18.º

[...]

1. Rekerente ne'ebé mak iha ninia pedidu inskrisaun hetan rejeisaun bele rekore, iha prazu loron ne'en-nolu hahú sura husi data ne'ebé mak nia hetan-ona konhesimentu husi desizaun, ba Konsehu Kombatentes Libertasaun Nasionál.
2. [...].

¹ Aumenta ou extensaun tempu;

² Justifikasaun ne'ebé iha rajaun forte no konvensidu;

3. Kombatente Libertasaun Nasionál bele reklama fundamentalmente³, iha prazu loron 90, kontra omissaun, impresissaun no erru ne'ebé hakerek iha ninia rejistu iha faze públikasaun editál, hamutuk ba entidade competente rejistu-nian ne'ebé difini-ona iha lei ida-ne'e.
4. Sei esklui dispozisaun iha número liubá denunsia-sira kontra ema-ne'ebé falsifika deklarasaun, informasaun ou dokumentu relativu ba prova militánsia iha luta libertasaun nasionál, iha ne'ebé rezulta atribuisaun la-lós ba qualidade hanesan Kombatente, ou Mártires Libertasaun Nasionál, ou hetan benefisíu sira seluk, ida-ne'e bele apresenta iha tempu bainhira-deit.

Artigu 27.º

[...]

1. Iha direitu ba Pensaun Sobrevivénsia mak kaben ne'ebé sei moris ou oan-sira, independente ba idade, hosi;
 - a. [...];
 - b. [...].
2. [...].
3. [...].
4. [...].

³ Hó fundamentu rajoavél;

5. [...].
 - a) [...].
 - b) [...].
 - c) [Revogada].
 - d) [Revogada].
6. [...].
7. [...].
8. [...].
9. [Revogadu].
10. [...].
11. [...].
12. [...].
13. [...].
14. [...].

Artigu 28.º

[...]

1. Kombatentes Libertasaun Nasionál sira ne'ebé iha-partisipaun tempu inteiru iha luta ba independénsia nasional entre tinan 3 até 7, iha direitu simu Prestasaun Pekuniária Únika korrespondente ba dala sanolu-resin-rua husi remunerasaun mínimu iha tabela vensimentu karreira rejime jerál iha Funsau Públika, ou bele

benefisia husi kriasaun fundu-própriu-ida, tuir termu sira ne'ebé sei regulamenta hosi Dekretu Governu.

2. [Revogadu].
3. [Revogadu].
4. [Revogadu]
5. Karik Kombatentes Libertasaun Nasionál sira ne'ebé mak mate-ona antes simu Prestasaun Pekuniária Únika tuir termu iha n°1, maka sei atribui ba ninia kaben ne'ebé sei moris ou oan-sira sobreviventes.
6. [Liubá n.º 5].

Artigu 31.º

[...]

1. [...].
 - a) [...];
 - b) [...];
 - c) [...];
 - d) [...];
 - e) [...];
 - f) [...].
2. Konseihu Kombatentes Libertasaun Nasionál bele propoin ba Prezidente Repúblika atu kria kondekórasaun ba Kombatente

Libertasaun Nasionál sira ne'ebé la enkuadra iha kualker situasaun refere iha número liubá.

3. [...].
4. [...].
5. [...].
6. [...].
7. [...].

Artigu 32.º

[...]

1. [...].
 - a) [...];
 - b) [...];
 - c) [...];
 - d) [...];
 - e) [...].
2. [...].
3. Klassifikasaun ba postu no kargu ne'ebé refere iha número liubá kompete ba Prezidente Repúblika, depois-rona-tiha hosi Konsehu Kombatentes Libertasaun Nasionál.
4. [...].

5. [...].
6. [...].
7. Insígnia ou divizas hosi medalha-sira no elementus seluk ne'ebé halo-parte representasaun fizika ba orden-sira ne'ebé kria husi lei ida-ne'e sei ho aprovasaun hosi dekretu Prezidente Repúblika, liu-husi proposta Konsehu Kombatentes Libertasaun Nasionál no depois-rona-tiha hosi Governu.
8. Konsehu Kombatentes Libertasaun Nasionál bele husu tulun ba servisu empreza-sira ou instituisaun ho especialidade iha medalhística atu halo preparasaun ba propostas refere iha número liubá.
9. [...].

Artigu 35.º

[...]

1. [...].
2. [...].
3. [...].
4. Membru-sira husi Konsehu Kombatentes Libertasaun Nasionál sei simu posse husi membru Governu ne'ebé responsável ba assuntu Kombatentes Libertasaun Nasionál, hafoin eleitu husi Kombatentes Libertasaun Nasionál ne'ebé reune iha Kongresu.
5. [...].

6. [...].
7. Ezérsisiu funsaun hanesan membru Konselhu Kombatenes Libertasaun Nasionál laiha remunerasaun, Governu bele atribui subsidiu ida hodi apoiu ba sira-nia atividade.
8. [Revogadu].
9. Governu assegura protesaun espesial ba investimentu Fundu Veteranus iha atividade jeradoras rendimentu ne'ebé dezenvolve husi Konselhu Kombatenes Libertasaun Nasionál.

Artigu 38.º

Desmobilizasaun ba Kombatenes FALINTIL

1. Estadu Timor-Leste sei realiza serimónia ofisiál, solene no públiku, atribuisaun patente militar no desmobilizasaun ba Kombatenes FALINTIL sira ne'ebé ativu to'o loron 25 fulan Outubru tinan-1999.
2. Governu defini patente ne'ebé sei atribui ba kada Kombatente-sira ida-idak, ho-de'it proposta husi Xefe Estadu Maior-Jeneral Forsas Armadas, uza kritériu idéntiku ne'ebé aplika-hela ba Kombatenes-sira inkorporadu iha FALINTIL-FDTL.
3. [...].

Artigu 3.º

Norma Revogatória

Revoga n.º 3 husi artigu 12.º, artigu 17.º, alínea c) e d) iha n.º 5 e n.º 9 husi artigu 27.º, número n.º 2, 3 e 4 husi artigu 28.º e n.º 8 husi artigu 35.º husi Lei n.º 3/2006, loron 12 fulan Abril, altera hosi Leis n.º 9/2009, loron 29 fulan Julho, e 2/2011, loron 23 fulan Marsu.

Artigu 4.º

Republikasaun

Lei n.º 3/2006, loron 12 fulan Abril, Estatutu Kombatentes Libertasaun Nasionál, maka republikada, ho redasaun atuál no iha nesessidade korresaun gramatikais no lejística, iha anexu ba diploma ida-ne'e, ne'ebé halo parte integrante.

Artigu 5.º

Entrada em vigor

Diploma ida-ne'e tama iha vigor iha loron tuir-mai depois nia publikasaun, produz efeito iha loron 1 fulan Janeiro tinan-2025

Aprova-ona iha loron 21 fulan Maiu tinan-2024.

Prezidente Parlamentu Nasionál,

Maria Fernanda Lay

Promulga-ona iha loron 6 fulan Junhu tinan-2024.

Publika.

Prezidente Repúblika,

José Ramos-Horta

ANEXU

(ne'ebé refere husi artigu 4.º)

LEI N.º 3/2006

Loron 12 fulan Abril

ESTATUTU KOMBATENTES LIBERTASAUN NASIONÁL

Estadu Timor-Leste, hatudu vontade husi ninia povu hodi halibur hamutuk iha Assembleia Konstituinte, kaer ona núdar ninia responsabilidade atu fó rekoñesimentu no fó valorizasaun ba kontribuisaun hosi ema sira ne'ebé mak luta-ona ba independénsia nasionál, nune'e mos hanesan dever hodi fó protesaun sosial ba sira ne'ebé mak partisipa-ona iha luta ne'e, liu-liu ba ema sira ne'ebé tan luta ne'e laiha-iha-ona kapasidade no ema sira ne'ebé depende ba sira ne'ebé fo-ona sira nia moris ba libertasaun Pátria.

Lei ida-ne'e mai hamosu kadru legál ne'ebé mak nesessáriu atu kontinua asaun no polítika sira ne'ebé hori tempu liu-ba desenvolve ona, iha ámbitu ida ne'e, hosi órgaun soberania-sira, konstituidadaun sinál ida ne'ebé determinante iha dinamizasaun husi tarefas atu kontinua ho objektivu-sira ne'ebé konsagra-ona⁴ iha artigu 11º hosi Konstituisaun Repúblika nian. Lei ida ne'e labele hare-deit, ho faktu, hanesan inisiu husi asaun-sira ne'ebé dirije ba militante-sira

⁴ Kakerek-ona

be luta ba libertasaun nasionál, maibé antes núdar koroláriu⁵, ninia-rasik, husi esforsu ne'ebé hahú-tiha-ona, durante tinan tolu liu-ba, hosi Prezidente Repúblika nomos hosi Governu.

Iha termu-sira ne'ebé ninia ámbitu aplikasaun-pessoal, lei ne'ebé agora atu hasai sei refere-liu ba militantes-sira-hotu iha luta ba independénsia nasionál, iha kualkél frente sira hanesan armada, klandestina ka diplomátika ne'ebé sira halo parte. Tan hó motivu ida-ne'e iha kómputu⁶ ba tempu partisipasaun sei soma períodu-sira ne'ebé dedika-ona iha kada frente luta-nian, tuir kazu ida-idak.

Diploma ida-ne'e komporta⁷ ba dimensaun tolu konaba polítika públika-sira husi valorizasaun-nian tenke inkorpora⁸:

1. Rekonhesimentu no valorizasaun, ne'ebé konstitui ba dimensaun morál;
2. Protesaun sosial ou sosioekonómika, ne'ebé traduz dimensaun materiál ou solidáriu-retributiva⁹;
3. Prezervasaun memória, reflète ba dimensaun ne'ebé iha relasaun ho konservasaun no divulgasaun ba valores-sira no feitos¹⁰ rezisténsia-nian husi okupasaun estranjeiru, dezignadu iha artikulasaun lei-nian simplesmente ho Rezisténsia, iha tempu ne'ebé jesta¹¹ histórika maior husi povu timorense iha sékulu ne'ebé liu-tiha-ona.

⁵ afirmasaun husi posizaun ida ne'ebé hatudu-tiha-ona

⁶ Kálkulu

⁷ Introduz ou deskreve;

⁸ Inklui valor husi parte valorizasaun-sira;

⁹ Refere responsabilidade mutua ba kompensasaun entre estado halo ba Kombatientes;

¹⁰ Ligasaun ho faktus sira iha rezisténsia nian;

¹¹ Akontesimentu históriku;

Los duni katak sei estabeselese kritériu ida ba tempu mínimu husi partisipasaun hodi fó atribuisaun titúlu Kombatenes Liberasaun Nasionál, la husik mos lialós ne'ebé sei buka hodi hare nesessidade no sentidu justisa iha protesaun ba sira ne'ebé partisipa-tiha ona iha luta, lá prienxe tempu mínimu ida-ne'e, maibe sira sai-ona portadores-defisiénsia-gravidade¹² hanesan laiha-ona-posibilidade atu sira ezerse tan atividade produtiva hodi garante sira-nia subsisténsia¹³.

Nune'e, sei entende iha ikus-ne'e konaba konjuntu¹⁴ ida husi direitu sira ne'ebé mak atu fó ba Kombatente Libertasaun Nasionál hanesan temi-ona. Importante fó-dalan atu iha asaun husi Governu hodi implementa politika no medida-sira ne'ebé mak kontempla-ona¹⁵ iha diploma ida-ne'e, tuir dalan ne'ebé atribui ho poder regulamentares-sira no desizaun kona-ba oportunidade implementasaun no fazedamente koloka¹⁶ prioridade-sira, tuir possibilidade no kapasidade, téknika no finanseira, husi Estadu.

Nune'e, Parlamentu Nasionál dekreta, tuir termu-sira husi artigu 11.º, 92.º no 95.º, n.º 1, hosi Konstituisaun Repúblika, atu vale nu'udar lei, tuir mai ne'e:

Kapítulu I

Dispozisaun Jéral

¹² Kondisaun vulneráveis ba fízika ou mental kauza husi funu ne'ebé provoka laiha ona possibilidade atu halao servisu.

¹³ Nesessidade hodi ba sustenta vida-moris;

¹⁴ Refere ba rekonhesimentu sira hanesan direitu;

¹⁵ Hakerek tiha ona iha ou konsiderasaun ba iha diploma;

¹⁶ Gradualmente tuir avaliasaun teknika no finanseira estadu;

Artigu 1.º

Objetu

- 1 Lei ida-ne'e estabelese rejime juridiku jerál kona-ba rekonhesimentu, valorizasaun no protesaun sosiál ba Kombatientes Libertasaun Nasionál, fixa sira-nia direitus no deveres báziku no medidas ba prezervasaun memória husi luta ba libertasaun nasionál.
- 2 Ba efeitu-sira husi lei ida-ne'e, expressaun sira hanesan “luta ba libertasaun nasionál”, “luta ba independénsia nasionál” ou “luta” iha signifikadu ne'ebé-hanesan.

Artigu 2.º

Objetivu

Lei ida-ne'e iha objetivu-sira mak hanesan:

- a. Kontinuasaun husi objetivu konstitusionál-nian atu iha rekonhesimentu no valorizasaun ba kontribuisaun ne'ebé presta husi sidadaun hotu-hotu ne'ebé luta ba independénsia nasionál, nomos assegura protesaun especial ba sidadaun-sira-ne'ebé fó-ona ninia vida ba luta libertasaun nasionál.
- b. Prezerva no fó-honra ba memória husi Mártires Libertasaun Nasionál;

- c. Konsérva no divulga-informasaun¹⁷ konaba tradisaun no valor-sira husi rezisténsia no aktu-heroismu luta ba independénsia nasional;
- d. Halibur no konserva ba espólio¹⁸ sira Rezisténsia-nian iha luta ba libertasaun nasional, kontra dominasaun estranjeira, hodi halo prezervasaun no transmite ba jersaun-sira tuir-mai kona-ba memória histórika.

Artigu 3.º

Definisaun

Ba efeitu-sira husi Lei ida-ne'e, entende-hanesan:

- a) “Detensaun Preventiva” medida ne'ebé limite halo movimentu-sira (bele la'o-deit ho autorizasaun/guia marxa), prizaun domilisiária iha tempu lora no obriga iha tempu kalan toba iha instalasaun komandu militar indonéziu sira-nian, kumpri bebeik servisu forsadu-sira durante períudu-ne'e.
- b) “Detensaun Prolongada” medida ne'ebé kontinua hela metin no la-bele falta iha instalasaun prizonais-sira komandu militar-nian ou kampo ba konsentrasaun no akompanha bebeik halo servisu forsadu, maibe seidauk hetan desizaun husi sentensa judisial.¹⁹

¹⁷ Halo sosializasaun kona-ba tradisaun no valores husi luta;

¹⁸ Objetu sira ne'ebé uza iha tempu rezisténsia;

¹⁹ Desizaun fundamentada tuir lei ne'ebé aplika husi Tribunal;

- c) “Prizaun” privasaun liberdade²⁰ hodi hela metin no labele falta iha estabesimentu prizional, determina-tiha-ona hosi desizaun judicial;
- d) “Desterru”²¹ expulsaun husi hela fatin no ba hela-metin obrigatóriu iha fatin ne’ebé maka hatudu-ona husi autoridade-sira²²;
- e) “Rendisaun” aktu husi entrega-an ba inimigu bainhira seidauk uza hotu meius defeza no rezisténsia ne’ebé-sira-ia.
- f) “Desmobilizasaun” aktu administrativu hodi entrega fila-fali militar-sira ba vida sivil;
- g) “Militánsia” partisipasaun ativa, ho kualker título²³, iha atividade luta libertasaun nasional;
- h) “Dedikasaun Tempu Inteiru” partisipasaun ativu ho karakter eskluзивu iha luta ba libertasaun nasional ho determinasaun husi estrutura diretiva-sira iha Rezisténsia, lá akumula ho atividade estudantil ou servisu normal no hetan remunerasaun, no mós período enkarseramentu²⁴ no desterru ne’ebé sofridu²⁵ hosi Kombatente Libertasaun Nasionál tamba konsekuénsia luta;

²⁰ Hasai liberdade tamba ordem husi tribunal hanesan tama kadeia;

²¹ Muda ou duni sai obrigatóriu husi hela-fatin/knua ba fali fatin seluk tamba hetan kastigu e sofrimentu agravadu husi inimigu;

Ex. Inimigu muda populasau husi Manufahi ba kastigu iha Atauru.

²² Refere ba autoridade tempu indonesiu;

²³ Iha situasaun no frente saida-deit;

²⁴ Fatin iha ne’ebé ema ruma hetan kastigu ou fatin ba kastigu;

²⁵ Muda husi hela-fatin no hetan terus ou moras fisika no mental;

- i) “Patriota Libertasaun Nasionál” individu sira hotu-hotu ne’ebé sofre-tiha-ona violasaun-sira konaba direitus humanus tamba luta ba independénsia.

Kapítulu II

Kombatente Libertasaun Nasionál

Artigu 4.º

Sidadaun-sira núdar Kombatente Libertasaun Nasionál

1. Konsidera núdar Kombatente Libertasaun Nasionál:
 - a) Sidaudaun timoroan-sira ne’ebé, entre loron 20 fulan Agostu tinan-1975 até loron 25 fulan Outubru tinan-1999, núdar militado²⁶, mínimu tinan tolu, iha luta ba independénsia nasionál, halo-parte iha estrutura ou organizasaun-sira iha Rezisténsia;
 - b) Sidadaun timoroan-sira ne’ebé núdar militado iha luta ba independénsia nasionál ente loron 20 fulan Agostu tinan-1975 até loron 25 fulan Outubru tinan-1999, halo-parte iha estrutura ou organizasaun-sira iha Rezisténsia, no mate-tiha-ona, tanba ninia partisipasaun iha luta, antes kompleta tinan tolu ba sirania militánsia;
 - c) Kombatentes Veteranus Libertasaun Nasionál, tuir artigu 8º

²⁶ Partisipa iha Funu núdar militar;

- d) Kombatentes Fundador Movimentu ba Libertasaun Nasionál, tuir artigu 9º
 - e) Mártires Libertasaun Nasionál, tuir artigu 10º
 - f) Sidadaun estranjeiru-sira, tuir artigu 7º
2. Konsidera mos núdar Kombatente Libertasaun Nasionál:
- a) Sidadaun timoroan-sira ne'ebé, lá integra-an iha estrutura ou organizasaun sira ne'ebé refere iha alinea a) no b) iha número liubá, mak-iha, durante tinan tolu, hala'o-ona tarefas ne'ebé relasaun ho servisu sira iha tempu ne'ebá, hetan atribuisaun²⁷ no rekonhesimentu husi parte órgaun diresaun, liu-liu apoiu lojítiku, humanitáriu, estafeta no informasaun.
 - b) Sidadaun timoroan-sira ne'ebé mak integra iha nukleu populaun sira nian ne'ebé, iha ai-laran, hamutuk ho FALINTIL, mak iha prestasaun ba ida-ne'e, durante tinan tolu, depois liu tiha lora 31 fulan Dezembru tinan-1978, halao-servisu informasaun, apoiu lojístiku ou assisténsia umanitáriu no sosiál;
 - c) [Revogada].

Artigu 5.º

Sidadaun-sira Lá Rekoñese Núdar Kombatente Libertasaun Nasionál

²⁷ Orientasaun;

Labele rekoñese núdar Kombatente Libertasaun Nasionál mak emasira ne'ebé iha kolaborasaun voluntariamente ho inimigu hasoru interesse ba libertasaun nasionál, iha kolaborasaun ne'e akontese nia-sei-hanesan militante ba luta ou hafoin nia-abandona tiha-ona²⁸ luta;

Artigu 6.º

Estrutura no Organizaun Rezisténsia

Estrutura no organizaun-sira iha Rezisténsia-nian ne'ebé hetan rekoñesimentu hosi lei ida-ne'e ho efektu-sira ba konsessaun²⁹ iha estatutu Kombatente Libertasaun Nasionál, ne'ebé mak refere-ona iha alínea a) no b) nº 1 husi artigu 4º, hanesan tuir-mai-ne'e:

- a) FRETILIN - Frente Revolucionária de Timor-Leste Independente;
- b) FALINTIL - Forças Armadas de Libertação Nacional de Timor-Leste;
- c) CRRN - Conselho Revolucionário da Resistência Nacional;
- d) CNRM - Conselho Nacional da Resistência Maubere;
- e) CNRT - Conselho Nacional da Resistência Timoreense;
- f) Estrutura no organizaun-sira mak iha momentu ne'ebá integra ou hetan-hela rekonhesimentu hosi estrutura ou organizaun-sira tuir número iha alínea-sira liubá.

²⁸ Depois nia rende tiha servisu ho inimigu hodi kontra prinsipiu ba luta libertasaun nasionál.

²⁹ Rekoñesimentu;

Artigu 7.º

Sidadaun Estranjeiru

1. Ho esepisaun, bele fõ rekoñesimentu kualidade núdear Kombatente Libertasaun Nasionál ba sidadaun estranjeiru-sira ne'ebé enkuadra-ona iha situasaun sira ne'ebé hakerek iha alínea a) no b) husi nº 1 artigu 4º.
2. Rekonhesimentu ba sidadaun estranjeiru-sira, tuir termu iha número liubá, sei halo hosi Parlamentu Nasionál, ho-deit proposta hosi Prezidente Repúblika, hosi Governu ou minimu baluk-lima husi Deputadus eleitus.

Artigu 8.º

Kombatente Veteranu Libertasaun Nasionál

1. Núdear Kombatente Veteranu Libertasaun Nasionál:
 - a. Kombatente Libertasaun Nasionál ne'ebé núdear militado³⁰ iha luta ho tempu-mínimu tinan 15;
 - b. Kombatente Libertasaun Nasionál ne'ebé mak hola-parte-ona iha kadru superior-sira iha estrutura ou organizasaun Rezisténsia ne'ebé mak temi iha artigu 6º mak mate-ona ou dezaparesidu, tan virtude³¹ husi ninia partisipasaun iha luta ba independénsia nasional, antes kompleta tinan sanulu resin-lima iha partisipasaun ba luta ida-ne'e.

³⁰ Funu núdear militar iha luta.

³¹ Konsekuénsia ;

2. Determinasaun ba postu³² militar no sivil-sira ne'ebé hola-parte iha kuadru superiores, ba fins aplikasaun iha dispozisaun alínea b) husi número liubá, sei halo ho dekretu Prezidente República, depois-rona-tiha hosi Konseihu Kombatientes Libertasaun Nasionál.

Artigu 9.º

Kombatientes Fundador Movimentu ba Libertasaun Nasionál

Núdar Kombatientes Fundador Movimentu ba Libertasaun Nasionál, ba fins husi lei ida-ne'e, Kombatente Libertasaun Nasionál sira ne'ebé mak hetan promosaun, organiza no lidera iha luta ba libertasaun nasional no iha rezisténsia kontra invazaun estranjeira entre lora 15 fulan Agostu tinan-1975 até lora 31 fulan Maiu tinan-1976.

Artigu 10.º

Mártires Libertasaun Nasionál

Núdar Mártires Libertasaun Nasionál, ba efeitos husi lei ida-ne'e:

- a) Militante sira hotu-hotu iha luta ba independénsia nasional ne'ebé mate ou lakon-ona entre lora 15 fulan Agostu tinan-1975 até lora 31 fulan Dezembru tinan-1978 tan virtude husi-sira-nia partisipasaun iha luta ida-ne'e;

³² Distinsaun Kargus ou pozisaun-estrutural;

- b) Militante sira hotu-hotu iha luta ba independéncia nasionál ne'ebé mate ou lakon-ona iha faze rezisténcia até loron 25 fulan Outubru tinan-1999 tan virtude husi-sira-nia partisipasaun iha luta ida-ne'e;

Artigu 11.⁰

Kontajen ba Tempu Militánsia iha Luta Libertasaun Nasionál

1. Iha kontajen ba tempu militánsia iha luta ba libertasaun nasionál, ba efektu hotu ne'ebé mak iha relasaun ho aplikasaun lei ne'e no iha lejislasaun regulamentar, sura-hamutuk períodu sira ne'ebé fó-ona ba frente-sira iha luta, nunee mos períodu-sira husi enkarseramentu no husi desterru ne'ebé sofridu hanesan konsekuénsia husi luta.
2. Iha kontajen ba tempu militánsia iha luta ba libertasaun nasionál, ba efektu atribuisaun ba pensaun-sira, prestasaun pekuniária únika no kontajen ba tempu fó ba luta hanesan servisu pretadu ba Estadu tuir lei ida-ne'e, sei konsidera dedikasaun tempu inteiru, sura:
 - a) Períodu sira husi dedikasaun exkluziva ba luta libertasaun nasionál, ho determinasaun husi estrutura diretiva-sira iha Rezisténcia, lá akumula ho atividade estudantil ou servisu normál no hetan remunerasaun; no
 - b) Períodu iha enkarseramentu no desterru ne'ebé sofridu hosi Kombattente Libertasaun Nasionál tamba konsekuénsia luta.

3. Entende hanesan Enkarseramentu mak detensaun preventiva, detensaun prolongada no pena prizaun.
4. Governu mak regula ninia prosedimentu-sira konaba komprovasaun militánsia iha tempu inteiru, depois-rona-tiha husi estrutura nasionál no rejional-sira husi estrutura no organizasaun-sira ne'ebé prevista iha artigu 6.º.

Artigu 12.º

Lakon Kualidade núdar Kombatente Libertasaun Nasionál

1. Lakon kualidade núdar Kombatente Libertasaun Nasionál, ema-ne'ebé:
 - a) Karik hetan-ona kondensasaun tamba krime kontra seguransa Estadu ou krime kontra humanidade³³;
 - b) Presta deklarasaun ou informasaun falsu ou falsifika dokumentu sira ne'ebé relasaun ho prova militánsia iha luta ba libertasaun nasionál, husi ne'e rejulta atribuisaun ne'ebé lá-merese ba kualidade núdar Kombatente Libertasaun Nasionál, ou kategoria ruma hanesan Kombatente ne'ebé refere-ona iha artigu 4.º, 7.º no 10.º.
 - c) Iha kolaborasaun voluntariamente ho inimigu kontra interesse libertasaun nasionál, tuir artigu 5.º

³³ Refere ba Krime ne'ebé komete Depois Independénsia liliu iha Kodigu Penál hahu artigu 196.º traisaun ba pátria até artigu 205.º perturbasaun ba funsionamentu orgaun konstitusional sira; nomos artigu sira seluk relasaun ho humanidade tamba halakon ema barak nia vida. (konfirma artigu 34 ECLN konaba Dever Kombatentes kontribui ba dezvoltamentu paz, estabilidade no harmonia sosial)

2. Iha kazu sira ne'ebé refere iha némeru liubá, lakon kualidade núdar Kombattente Libertasaun Nasionál implika:
 - a) Suspensaun imediatu ba pagamentu pensaun-sira to'o data tránzitu-em-julgadu³⁴ ho desizaun judisiál kondenatória, nomos sei lakon hotu direitu sira seluk.
 - b) Entrega fila-fali buat-hotu ne'ebé nia simu-ona iha naran homenajen ou kondekorasaun, hanesan kartaun identifikasaun espesiál, Diploma Ondra, medalla no farda.
3. [Revogadu].

KAPÍTULU III

Rejistu, Arkivu no Baze Datus

Seksaun I

Rejistu

Artigu 13.⁰

Rejistu kualidade núdar Kombattente Libertasaun Nasionál

1. Rekonhesimentu kualidade núdar Kombattente Libertasaun Nasionál depende ba rejistu, ho exsesaun³⁵ ba kadru superiores

³⁴ Desizaun finál;

³⁵ Menus ou lapersija_ Ex: Ba kadrus superior sira sei la depende ba rejistu atu hetan titulu Kombattente;

husi estrutura ou organizasaun Rezisténsia iha termu-sira husi artigu 6.º, 8.º, n.º 1, al. b) no artigu 9.º.

2. Rejistu sei halo ho pedidu husi nain-rasik ou husi ema ruma hodi ninia naran, karik nia mate-tiha-ona, apresenta tuir-kedas ho prova-sira.
3. Pedidu rejistu lá implika³⁶ hetan direitu sira ne'ebé refere iha artigu 23⁰.
4. Entidade responsável ba rejistu mak sei organiza no hala'õ kampaña konaba rejistu iha teritóriu nasionál hotu-hotu.
5. Prova militánsia iha luta, hodi-naran individual ou iha estrutura laran, ou organizasaun, sei bele halo ho meius ruma ne'ebé idónio.³⁷
6. Pretensaun³⁸ ba rejistu sei fahe to'õ fatin nasimentu, tuir militánsia ou tuir hela-fatin ikus husi Kombatente Libertasaun Nasionál no, banhira termina-ona prazu rejistu, inskrisaun-sira sei taka hodi fo hatene ba públiku, ho durasaun minimu lora tolunulu, no sei fo sai iha jornál diáriu sira ne'ebé ho sirkulasaun barak-liu no iha televizaun.
7. Kualkér sidadaun bele kontesta³⁹ ba pedidu rejistu ou informasaun-ruma kona-ba pedidu rejistu ida, tenke apresenta ho fundamentasaun no prova tuir konteidu konstestasaun.

³⁶ Seidauk bele hetan ou produz efeitos ba direitu Kombatente nian iha artigu 23.º;

³⁷ Adekuaudu tuir realidade no kredível;

³⁸ Karik atu halo, solisitasaun, reklamasau, ejijénsia, husu rejistu;

³⁹ Apresenta reklamasau konta ema ou dadus rejistu;

8. Kompeténsia Governu-nian atu inklui iha arkivu no baze-dadus ba dadus pessoal-sira ne'ebé hanesan kuadrus superior iha estrutura ou organizasaun Rezistésia refere iha n.º 1.

Artigu 14.⁰

Sertidaun⁴⁰

Hetan tiha aprovasaun ba rejistu, no bainhira termina-ona prazu ba rekursu, interessadu⁴¹ iha direitu atu hetan sertidaun ne'ebé fó sai ho informasaun hotu-hotu relasiona ho ninia militánsia ou luta, ou ba militánsia ne'ebé iha relasaun família ho nia, inklui ho data-sira, durasaun, organizasaun no funsaun sira ne'ebé mak nia hala'o.

Artigu 15.⁰

Prazu ba Rejistu

1. Prazu ba rejistu remata iha fulan 12 konta efetivamente depois husi atividade instalasaun-sira, organizasaun técnica no prosedimental.
2. Kompletá tiha prazu ne'ebé fixa-ona iha número liubá, sei lá admite tan kualkér pedidu rejistu.
3. Prazu ba rejistu sei bele prorroga⁴², ho período labele liu-husi fulan 12, ho dekretu Governu, bazeia ba pedidu fundamentadu

⁴⁰ Ficha veteranus;

⁴¹ Rekerente ba rejistu;

⁴² Aumeta ou extensaun tempu;

husi entidade responsável ba rejistu no depois-rona-tiha hosi Konselhu Kombatentes Libertasaun Nasionál.

4. Pedidu abertura foun ba rejistu sei aprova ho deketu Governu, apresenta hosi membru Governu responsável ba assuntu Kombatentes Libertasaun Nasionál, ho deit proposta husi Konselhu Kombatentes Libertasaun Nasionál.

Artigu 16.⁰

Kompeténsia ba Rejistu

Ministériu ou sekretaria Estadu ne'ebé tutela ba assuntu Kombatente Libertasaun Nasionál, liu-husi sira-nia órgaun, mak núdar entidade competente hodi realiza rejistu, nia mos iha kompeténsia, liu-liu, simu rekerimentu, apresia prova, investiga faktus no delibera kona-ba pedidu rejistu.

Artigu 17.⁰

Komisaun Omenajen, Supervizaun ba Rejistu no Rekursu

[Revogadu].

Artigu 18.⁰

Rekursu no Reklamasauñ Hasoru Rejistu

1. Rekerente ne'ebé mak iha ninia pedidu inskrisaun hetan rejisaun bele rekore⁴³, iha prazu loron 60 hahú sura husi data ne'ebé mak nia hetan-ona konhesimentu husi desizaun, ba Konselhu Kombatentes Libertasaun Nasionál.
2. Desizaun-sira ne'ebé mak fó-sai-ona iha rekursu núdar desizaun-definitiva.
3. Kombatente Libertasaun Nasionál bele reklama fundamentalmente⁴⁴, iha prazu loron 90, kontra omissaun⁴⁵, impresissaun⁴⁶ no erru⁴⁷ ne'ebé hakerek iha ninia dados-rejistu iha faze públikasaun editál, hamutuk ba entidade competente rejistu-nian ne'ebé difini-ona iha lei ida-ne'e.
4. Sei esklui dispozisaun iha número liubá, konaba denuncia⁴⁸-sira kontra ema-ne'ebé falsifika deklarasaun, informasaun ou dokumentu relativu ba prova militánsia iha luta ba libertasaun nasional, iha ne'ebé rezulta atribuisaun lá-merese ba qualidade núdar Kombatente, ou Mártires Libertasaun Nasionál, ou benefisíu sira seluk, ida-ne'e bele hato'o⁴⁹ iha tempu bainhira-deit.

⁴³ Apresenta rekursu ou reklamasaun;

⁴⁴ Iha fundamentu baze-ba razaun provas no lójika;

⁴⁵ Iha falta ou haluha konaba naran fatin no motivus Ex: hadia dados emprisonamentu tamba fatin detensaun laiha no testemunha.

⁴⁶ Dados La-serteza konaba data sira iha partisipasaun. Ex: 1969 lolos 1996, 1998 lolos 1989 nss.

⁴⁷ Falta letra ruma iha dados.Ex: Antoni lolos António.

⁴⁸ Keixa tamba iha krime. Ex: Krime falsifikasaun.

⁴⁹ Refere ba hato'o keixa ou reklamasaun;

Artigu 19.⁰

Rejistu Liubá

Rejistu-sira ne'ebé mak iha-ona, halao husi komisaun resensiamentu-sira ne'ebé kria hosi Prezidente Repúblika molok tama iha vigór lei ida-ne'e, sei rekoñese núdar validu ba efeitu husi ninia aplikasaun, hodi konsidera rejista-ona sira-hotu iha lista, maibe sei-lá-taka-dalan ba direitu reklamasaun kontra erru no omisaun iha informasaun nomos husi medida komplementar-sira ba ajustamentu adisionál iha ninia ezekusaun.

Artigu 20.⁰

Falsidade

1. Ema-ne'ebé presta⁵⁰ deklarasaun ou informasaun falsu ou falsifika dokumentu-sira ne'ebé iha-relasaun ho prova militánsia iha luta libertasaun nasionál, ho objetivu atu hetan direitu-sira ne'ebé mak hakerek iha lei ida-ne'e, sei kastigu tuir lei.
2. Wainhira aktus sira ne'ebé refere iha número liubá, karik prátika husi Kombatente Libertasaun Nasionál, ida-ne'e sei kastigu tuir artigu 12.^o.

Seksaun II

Arkivu no Baze Dadus

⁵⁰ Fornese ou fó informasaun falsu ou falsifika dokumentu;

Artigu 21.⁰

Arkivu no Baze Dadus

1. Arkivu-sira ne'ebé konstitui-ona⁵¹ iha formuláriu no dokumentu relevante sira-seluk, iha-relasaun ho rejistu ne'ebé halao-ona hosi komisaun resenseamentu-sira ne'ebé kria hosi Prezidente Repúblika, molok tama iha vigór lei ida-ne'e, konsidera núdar arkivu ofisiais no patrimóniu Estadu.
2. Baze dadus sira ne'ebé produz bazeia ba iha arkivu-sira ne'ebé refere iha número liubá konsidera mos núdar baze dadus ofisiais Estadu.
3. Konsidera mos parte husi arkivu no baze dadus-sira, hanesan kolesaun dokumentu hotu-hotu ne'ebé eziste iha forma eletróniku.

Artigu 22.⁰

Kompeténsia ba Konservasaun no Jestaun ba Arkivu no Baze Dadus

1. Muzeu no Arkivu Rezisténsia Nasionál, kria hosi lei ida-ne'e, mak sai núdar entidade competente hodi rai no konservasaun ba kolesaun dokumental ne'ebé produz hosi Komissaun resensiamentu-sira ne'ebé kria hosi Prezidente Repúblika, molok tama iha vigór lei ida-ne'e, hanesan mos sira ne'ebé mak produz-dadaun ba kumprimentu lei ida ne'e.

⁵¹ Produz ona iha;

2. Kolesaun dokumental ne'ebé mak refere iha númeru liubá sei transfere ba Muzeu no Arkivu Resisténsia Nasionál bainhira termina ona prosessu rejistu no serimónia homenajem ne'ebé sei halao.
3. Baze dados eletrónika, produz-ona iha atividades rejistu nian ne'ebé halao hosi komissaun refere iha nº 1, sei transfere kedas ba entidade responsável ba rejistu ne'ebé defini-ona iha lei ida-ne'e.
4. Kompete ba Governu atu regulamenta konaba uzu no assessu ba informasaun iha arkivu no baze dados prevista iha lei ida-ne'e.

Kapitulu IV

Direitu no Dever Kombatente Libertasaun Nasionál

Artigu 23.^o

Direitu Sira

1. Kombatente Libertasaun Nasionál sira iha direitu ba:
 - a) Kartaun espesial ba identifikasaun;
 - b) Diploma Onra;
 - c) Uza título "Kombatente Libertasaun Nasionál" ou seluk ne'ebé sira iha direitu tuir lei ida-ne'e;

- d) Fatin dignu⁵² iha serimónia-sira ne'ebé mak komemóra data istória-sira;
- e) Hatais ninia farda ba serimónia sira ne'ebé mak nia sei komemora iha loron independénsia nasional;
- f) Onra funeral⁵³ no hakoi iha semitériu espesial sira ne'ebé mak iha ona ba finalidade ida- ne'e, ho desizaun hosi Prezidente Repúblika;
- g) Konta tempu ne'ebé dedika-ona ba tempu inteiru iha luta ba independénsia nasional hanesan tempu servisu prestadu ba Estadu, tuir artigu 24.º no iha ninia lejislasaun regulamentar;
- h) Pensaun Espesial ba Subsisténsia, tuir artigu 25.º no ninia lejislasaun regulamentar;
- i) Próteze subvensaun husi estadu, bainhira sira núdar portadores defisiénsia física ne'ebé kauza-husi ninia partisipasaun iha luta ba independénsia nasional;
- j) Partisipa no benefisia programa-sira reinsersaun sosial-nian no programa sira seluk ne'ebé ho objetivu atu apoiu ba Kombatente Libertasaun Nasionál, liu-liu iha parte educação no formasaun tékniku-profissionál, empregu, assessu kréditu no atividade jeradores⁵⁴ rendimentu nian, tuir termu sira ba asesu husi programa sira-ne'e iha regulamentu;

⁵² Fatin espesial ou ketak iha serimónia komemorasau loron istóriu;

⁵³ Halao serimonia ofisial hodi fó respeito ba ninia mate. Ex,1: Apoiu kaixaun no bandeira RDTL, nss

⁵⁴ Hetan ou fó rendimentu;

- k) Kondekorasaun hosi Estadu, tuir lei ida-ne'e no lejislasaun komplementar;
 - l) Hetan assentu⁵⁵ iha Konselhu Kombatentes Libertasaun Nasionál, tuir artigu 35.º;
2. Kombatente Libertasaun Nasionál sira iha nafatin direitu, hatutan ba sira nia kaben no oan-sira, tantu idade maior ou minor, ba:
- a) Assisténsia médika no medikamentu gratuita iha servisu saúde Estadu;
 - b) Assessu gratuitu ba instituisaun ensinu públika.
3. Kombatentes Veteranus Libertasaun Nasionál iha direitu ba Pensaun Espesiál Reforma, tuir artigu 26.º
4. Sidadaun timoroan sira ne'ebé prienxe rekizitu sira hosi alínea a) n.º 1, no a) no b) iha n.º 2 husi artigu 4.º, maibe ho partisipasaun iha luta ba libertasaun nasional menus husi tinan tolu, hetan direitu sira ne'ebé mak temi iha alinea h), i) no j) n.º 1 no iha n.º 2 hosi artigu ida ne'e, karik sira núdar portadores defisiénsia fizika ou mental ne'ebé rezulta mai husi ninia partisipasaun, ne'ebé mak halo nia lakon kapasidade atu halo tan servisu.

⁵⁵ Rejistadu hanesan membru iha;

Artigu 24.⁰

Kontajen Tempu Dedikasaun ba Luta núdár Servisu Prestadu ba Estadu

1. Kombatente Libertasaun Nasionál ne'ebé iha direitu ba pensaun reforma ou apozentasaun⁵⁶ hosi Estadu, iha nia períodu didikasaun tempu inteiru ba luta libertasaun nasionál, sei sura ba dobru, konta ba efeitu apozentasaun no káلكulu ba kada pensaun.
2. Direitu ba kontajen tempu dedikadu ba luta hanesan servisu prestadu ba Estadu labele akumulavél⁵⁷ ho Pensaun Espesiál Reforma no Espesiál ba Subsisténsia⁵⁸.

Artigu 25.⁰

Pensaun Espesiál Subsisténsia

1. Pensaun Espesiál ba Subsisténsia sei atribui ba Kombatente Libertasaun Nasionál ne'ebé, iha razaun diminuisaun⁵⁹ fízika ka mentál, tan virtude husi ninia partisipasaun iha luta ba independénsia nasionál, karik labele hala'o tan ona servisu.
2. Iha mos direitu ba Pensaun Espesiál ba Subsisténsia mak Kombatente Libertasaun Nasionál iha partisipasaun tempu inteiru iha luta ba independénsia nasionál ho, mínimu, tinan ualu.

⁵⁶Reforma husi Estadu;

⁵⁷ Labele sura hamutuk ka simu hamutuk ou tau hamutuk;

⁵⁸ Ex: Veteranu ho dedikasaun eksklusiva tinan 24 nomos hetan defisiénsia fízika entaun sei aplika mak Pensaun Reforma agora konaba pensaun subsisténsia laiha ona direitu, tenke hili Pensaun ida deit entre direitu sira ne'e .

⁵⁹ Defisiénsia fízika ou mental;

3. [Revogadu].
4. Falesidu titular husi Pensaun Espesiál ba Subsisténsia, ninia susesor-sira iha direitu ba Pensaun Sobrevivénsia tuir artigu 27.⁰.
5. Kompeténsia ba atribuisaun Pensaun Espesiál ba Subsisténsia pertensia ba Governu, ho-deit proposta husi ministériu ou sekretaria Estadu tutela ba assuntu Kombatentes Libertasaun Nasionál.
6. Pensaun Espesiál ba Subsisténsia selu tuir regulamentu hosi Governu, ne'ebé tenke defini, lili-liu, kritéri-sira no maneira atu kualifika ba inkapsidade fizika no mental husi benefisiáriu, montante no modalidade husi pagamentu.
7. Governu mak define montante mensal ba Pensaun Espesial ba Subsisténsia, ne'ebé labele menus liu 60% hosi valor Pensaun Espesiál ba Reforma.
8. Pensaun Espesiál ba Subsisténsia labele akumulavél⁶⁰ ho Pensaun Espesiál ba Reforma, nomos ho direitu ba kontajen tempu dedikadu ba luta hanesan servisu prestadu ba Estadu.

⁶⁰ Ex; Refere ba kontektu Pensaun;

1. Kombatentes ho dedikasaun eksklusiva 8-14 + nia núdar defisiensia fizika = situasaun ida ne'e aplika pensaun ida deit ho preferénsia ida ne'ebé vantajem liu.
2. Aplika mos ba kazu atu simu pensaun husi Mártires nian.

Artigu 26.^o

Pensaun Espesiál Reforma ba Kombatente Veteranu Libertasaun Nasionál

1. Iha direitu ba Pensaun Espesiál ba Reforma ba Kombatente Veteranu Libertasaun Nasionál, Kombatente Veteranu Libertasaun Nasionál ne'ebé iha tinan 15 ou liu, husi partisipasaun iha luta ba libertasaun nasionál ba tempu inteiru, hanesan defini-ona iha artigu 11.^o.
2. Valor ba Pensaun Espesiál ba Reforma ba Kombatente Veteranu Libertasaun Nasionál sei defini hosi Governu, maibe labele menus-liu dala tolu husi remunerasaun minimu iha tabela vensimentu husi kareira rejime jerál nian iha funsaun públika ou salariu, vensimentu ou kualkér remunerasaun hetan husi Kombatente Veteranu Libertasaun Nasionál ne'ebé, depois loron 25 fulan Outubru tinan-1999, servisu ona ou servisu dadaun iha Estadu.
3. Pensaun Espesiál ba Reforma ba Kombatente Veteranu Libertasaun Nasionál labele akumulavél⁶¹ ho Pensaun Espesiál ba Subsisténsia, nomos ho direitu ba kontajen tempu dedikadu ba luta hanesan servisu prestadu ba Estadu, prevé iha lei ida-ne'e.
4. [Revogadu].

⁶¹ Refere:

1. Kombatentes ho dedikasaun eksklusiva 20-24 + nia núdar defisiensia fizika = situasaun ida ne'e aplika pensaun ida deit ho preferénsia ida ne'ebé vantajem liu.
2. Aplika mos ba kazu atu simu pensaun husi Mártires nian.

Artigu 27.⁰

Pensaun Sobrevivénsia

1. ha direitu ba Pensaun Sobrevivénsia⁶² mak kaben ne'ebé sei moris ou oan-sira, independente ba idade⁶³, hosi;
 - a) Kombatente Libertasaun Nasionál ne'ebé mak mate-ona tan virtude husi ninia partisipasaun iha luta ba libertasaun nasionál;
 - b) Kombatente Libertasaun Nasionál benefisiáriu husi Pensaun Espesiál ba Subsisténsia ou Pensaun Espesiál ba Reforma, hafoin nia mate.
2. Oan sira⁶⁴, ho idade maior ou minoridade, ne'ebé frekuenta⁶⁵ hela tempu iha ensinu báziku, sekundáriu ou superior⁶⁶ iha direitu ba bolsa estudu, ho montante no iha kondisaun ne'ebé sei define hosi Governu.
3. Kompeténsia ba atribuisaun Pensaun ba Sobrevivénsia pertensia ba Governu, ho deit proposta husi ministériu ou sekretaria Estadu tutela ba assuntu Kombatentes Libertasaun Nasionál.

⁶² Membru Familia ne'ebé iha dependénsia direita ba rajaun ekonomiku mak hanesan kaben no oan kiak-sira tamba lakon ema ne'ebé mak durante moris hamutuk hodi sustenta sira nia nesessidade moris-nian;

⁶³ La haré ba idade;

⁶⁴ Refere ba oan-sira husi Mártires nian ou falesidu husi pensaun Reforma no Subsisténsia;

⁶⁵ Halao hela estudu;

⁶⁶ Ensinu superior hanesan Institutu ou Universidade;

4. Governu mak define montante ba Pensaun ba Sobrevivénsia, maibe labele menus liu 50% husi valor Pensaun Espesiál ba Reforma.
5. Orden preferénsia entre benefisiáriu-sira ba Pensaun Sobrevivénsia mak hanesan, ida ne'ebé iha dahuluk husi orden presedénsia⁶⁷ hodi esklui sira seluk:
 - a) Kaben ne'ebé sei moris;
 - b) Oan-sira;
 - c) [Revogada];
 - d) [Revogada].
6. Karik, iha orden presedénsia ida nia laran ne'ebé prevé iha número liubá, liu ema nain ida ba titular ba Pensaun Sobrevivénsia husi Mártires ou Kombatente Libertasaun Nasionál falesidu, mak pensaun ne'e sei fahe hanesan tuir proporsaun entre sira.
7. Ema ne'ebé hanesan labele benefisia liu ida⁶⁸ ba Pensaun Sobrevivénsia.
8. Kaben faluk ne'ebé sei moris só bele benefisia Pensaun Sobrevivénsia sé nia seidauk kaben fali.
9. [Revogadu].
10. Família-sira husi Mártires ou Kombatente Libertasaun Nasionál só iha direitu ba Pensaun Sobrevivénsia karik sira la

⁶⁷ Iha direitu liu;

⁶⁸ Ex. Oan ida labele simu pensaun husi ninia Aman nomos Inan nian dala ida, tenke hili simu deit ida.

halo kolaborasaun voluntariamente ho inimigu kontra interesse libertasaun nasional.

11. Pensaun Sobrevivénsia labele akumulável ho Pensaun Espesiál ba Subsisténsia nomos ho Pensaun Espesiál ba Reforma.
12. Ba efeito atu kálkulu valór ba Pensaun Sobrevivénsia, mate tan virtude husi sira ninia partisipasaun iha luta ba libertasaun nasional sei konsidera-hanesan ho militánsia durante tinan 24.
13. Karik titular ba Pensaun Sobrevivénsia-nian mate, ida ne'e sei lá fó tutan ba ninia susessores nomos benefisiáriu sira seluk ne'ebé refere iha n.º 1 no 5.
14. La fó prejuízu ba número liubá, bainhira titular ba pensaun ne'ebé refere iha alínea a) husi n.º 5, karik mate no oan-sira husi Mártires ou Kombatente Libertasaun Nasionál ne'ebé sei moris, ninia pensaun ne'e sei fahe ba sira até halo tinan 21 ou até finaliza sira nia estudu iha nivél superior, iha-ne'ebé sira halao hela inskrisaun iha estabelesimentu ensinu superior akreditadu, ho frekuésia efetiva⁶⁹.

Artigu 28.⁰

Prestasaun Pekuniária Únika

1. Kombatentes Libertasaun Nasionál sira ne'ebé iha-partisipaun tempu inteiru iha luta ba independénsia nasional entre tinan 3 até 7, iha direitu simu Prestasaun Pekuniária Únika⁷⁰

⁶⁹ Prezensa ativa ou sei ativa hela iha eskola;

⁷⁰ Osan ho montante espesiál hanesan pakote ne'ebé sei atribui dala ida deit ba kombatente 3-7 ;

korrespondente ba dala sanolu-resin-rua husi remunerasaun mínimu iha tabela vensimentu karreira rejime jerál iha Funsau Públika, ou bele benefisia husi kriasaun fundu-própriu-ida⁷¹, tuir termu sira ne'ebé sei regulamenta hosi Dekretu Governu.

2. [Revogadu].
3. [Revogadu].
4. [Revogadu]
5. Karik Kombatentes Libertasaun Nasionál sira ne'ebé mak mate-ona antes simu Prestasaun Pekuniária Únika tuir termu iha n^o1, maka sei atribui ba ninia kaben ne'ebé sei moris ou oan-sira sobreviventes.
6. Ema hanesan⁷² só bele benefisia ida-deit ba Prestasaun Pekuniáriu Únika, bele hili, karik benefisiária liu ida, hili husi prestasaun ho valór as-liu.

Artigu 29.^o

Pensaun ho Valór Superiór

1. Governu bele distingui⁷³, entre Kombatente Libertasaun Nasionál sira, ba figura proeminente⁷⁴ tamba sira-nia méritu iha luta ba libertasaun nasional.

⁷¹ Fundu rasik ne'ebé kria mai husi orsamentu estadu;

⁷² Refere ba ema úniku iha uma laran ou oan mesak konforme kazu;

⁷³ Definisau ou determinasaun;

⁷⁴ Figura proeminente mak hanesan lider rezistésia sira ne'ebé konsidera influensivu ou determinante iha tempu luta ba libertasaun nasional tamba sira nia lideransa, vizaun no determinasaun total.

2. Governu bele defini montante ida a'as liu ba Pensaun Espesiál ba Reforma, Espesiál ba Subsisténsia no Sobrevivénsia ba direitu husi Kombatente Libertasaun Nasionál refere iha númeru liubá ou ba ninia família-sira.

Artigu 30.^o

Diploma Onra

1. Kombatente Libertasaun Nasionál sira hotu-hotu iha direitu ba Diploma Onra, ne'ebé sei atribui hosi Estadu núdar rekonhesimentu ba sira-nia kontribuisaun ba kauza independénsia nasionál.
2. Kombatente Libertasaun Nasionál ne'ebé mate-ona sira sei simu Diploma Ondra ho titúlu póstum.

Artigu 31.^o

Kondekorasaun

1. Iha direitu ba kondekorasan:
 - a) Kombatentes Veteranus Libertasaun Nasionál;
 - b) Kombatentes Libertasaun Nasionál ho tinan 8 ou liu iha partisipasaun ba luta;
 - c) Kombatentes Fundador Movimentu ba Libertasaun Nasionál;
 - d) Mártires Libertasaun Nasionál;

- e) Sidadaun estranjeiru-sira rekonhesidu hanesan Kombatente Libertasaun Nasionál;
 - f) Kombatentes Liberasaun Nasionál sira ne'ebé, menus husi tinan 8 husi ninia partisipasaun, iha, maibe, halao funsaun núdar kuadru militeres no sivilis iha Baze Apoiu.
2. Konsehu Kombatentes Libertasaun Nasionál bele propoin ba Prezidente Repúblika atu kria kondekórasaun ba Kombatente Libertasaun Nasionál sira ne'ebé la enkuadra iha kualker situasaun refere iha número liubá.
 3. Kondekorasaun-sira sei atribui ho dekretu husi Prezidente Repúblika, depois-rona-tiha hosi Governu.
 4. Kondekorasaun iha fatin serimónia pública solene.
 5. Kombatente Libertasaun Nasionál ne'ebé mate-ona sei kondekora ho titúlu póstumu.
 6. Entende hanesan “Baze Apoiu” ba finalidade husi lei ida-ne'e, faze luta libertasaun nasional iha fatin, ai-laran ou foho, entre loron 7 fulan Dezembru tinan 1975 no loron 31 fulan Dezembru tinan 1978.
 7. Iha atribuisaun ba kondekorasaun-sira sei hare ba prinsípiu la'os-akumulasaun⁷⁵.

⁷⁵ Kombatentes sira bele hili tipu kondekorasaun iha nivél ás-liu entre ida no labele simu dala rua ou titulu-rua ba kondekorasaun;

Artigu 32.⁰

Orden no Grau

1. Kria Orden sira hanesan:
 - a) Orden Guerilla, atribui ba Kombatente Veteranu Libertasaun Nasionál no Kombatente Libertasaun Nasionál ho tinan ualu ou liu iha partisipasaun hanesan militar nomos Kombatente Libertasaun Nasionál ho menus husi tinan ualu iha partisipasaun ba sira ne'ebé halao funsaun hanesan kuadrus militar iha Baze Apoiu;
 - b) Orden Nicolau Lobato, atribui ba Kombatente Veteranu Libertasaun Nasionál no Kombatente Libertasaun Nasionál ho tinan ualu ou liu iha partisipasaun hanesan sivis nomos Kombatente Libertasaun Nasionál ho menus husi tinan ualu iha partisipasaun ba sira ne'ebé halao funsaun hanesan kuadrus sivis iha Baze Apoiu.
 - c) Orden D. Boaventura, atribui ba Kombatentes Fundador Movimentu ba Libertasaun Nasionál.
 - d) Orden Funu Nain, atribui ba Mártires Libertasaun Nasionál;
 - e) Orden Laran Luak, atribui ba sidadaun estranjeiru-sira ne'ebé rekonhesidu hanesan Kombatente Libertasaun Nasionál.
2. Orden Guerilla, Nicolau Lobato no Funu Nain iha grau tolu, ne'ebé tuir numerasaun ordinál, korresponde husi 1.⁰, 2.⁰ no 3.⁰ Grau ba postus no kargus superiores, intermédius no Inferiores, kada ida-idak.

3. Klasifikasaun ba postus no kargus ne'ebé refere iha númeru liubá kompete ba Prezidente Repúblika, depois-rona-tiha hosi Konsehu Kombatentes Libertasaun Nasionál.
4. Orden Guerilla no Nicolau Lobato sei tuir irarkia ho razaun ba tempu partisipasaun, tuir grupu hanesan tuir mai:
 - a) Entre tinan tolu no menus husi tinan ualu iha partisipasaun, tuir alínea f) n.^o 1 iha 28.^o artigu liubá;
 - b) Entre tinan ualu no menus husi tinan 15 iha partisipasaun;
 - c) Entre tinan 15 no menus husi tinan 20 iha partisipasaun;
 - d) Entre tinan 20 no menus husi tinan 24 iha partisipasaun;
 - e) Tinan 24 ou liu iha partisipasaun.
5. Medalla-sira tenke inklui obrigatoriamente elementu sira ba representasaun visual no simbólíka ne'ebé permite ninia distinsaun entre grau ne'ebé oioin, iha parte ida, grupu oioin husi tempu partisipasaun, iha parte seluk.
6. Kombatentes Veteranus Libertasaun Nasionál ne'ebé refere iha alínea b) n.^o 1 husi artigu 8.^o sei halo klasifikasaun, ba fins husi irarkia ho tempu partisipasaun, iha grupu tinan 24 ou liu.
7. Insígnia ou divizas husi medalha-sira no elementus sira seluk ne'ebé halo-parte representasaun fízika ba orden-sira ne'ebé kria husi lei ida-ne'e sei ho aprovasaun husi dekretu Prezidente Repúblika, liu-husi proposta Konsehu Kombatentes Libertasaun Nasionál no depois-rona-tiha hosi Governu.

8. Konseilhu Kombatentes Libertasaun Nasional bele husu tulun ba servisu empreza-sira ou instituisaun ho espesialidade iha medalhística atu halo preparasau ba propostas refere iha número liubá.
9. Atu determina se ema-ruma tenke hetan kondekorasaun hanesan militar ou sivil, sei konsidera ba qualidade husi ninia pertispasaun iha tempu ne'ebé kleur liu.

Artigu 33.^o

Apoiante ba Luta Libertasaun Nasionál

1. Ba Governu, instituisaun no sidadaun sira, nasionais ou estranjeiru, ne'ebé fó ona kontribuisaun relevante iha luta ba independénsia nasionál lá-tuir aplikasaun iha artigu 3.^o to'õ artigu 9.^o sei bele rekonhese ho titúlu honorífiku “Apoiante Luta Libertasaun Nasionál”
2. Rekonhesimentu ba Governu, instituisaun no sidadaun sira, tuir número liubá, sei halo husi Parlamentu Nasional, ho deit proposta husi Prezidente Repúblika, Governu ou mínimu baluk-lima husi Deputadu eleitu.

Artigu 34.^o

Dever

Dever Kombatente Libertasaun Nasionál:

- a) Kontribui ba dezentvolvimentu nasionál, paz no estabilidade sosiál;
- b) Onra⁷⁶ no prezerva tradisaun sira konaba luta libertasaun nasionál no fó-memória ba Heróis no Mártir-sira Pátria nian;
- c) Hatudu hahalok sosiál ne'ebé sai ezemplar no apropriadu ho dignidade husi Kombatente Libertasaun Nasionál;
- d) Defende naran diak no reputasaun husi Kombatentes Libertasaun Nasionál;
- e) Kolabora hodi eduka jersaun foun sira konaba espíritu no valores husi Rezisténsia no husi luta ba independénsia nasionál.

Artigu 35.⁰

Konselhu Kombatentes Libertasaun Nasionál

1. Kria Konselhu Kombatentes Libertasaun Nasionál, núdar órgaun úniku ne'ebé representa interesse hotu-hotu husi Kombatentes Libertasaun Nasionál.
2. Konselhu Kombatentes Libertasaun Nasionál núdar órgaun konsulta Governu nian ba assuntu-sira konaba defeza ba interesse veteranus nian ne'ebé abranje iha lei ida-ne'e, nomos ba sira seluk ne'ebé iha-relasaun ho Kombatentes Libertasaun Nasionál.

⁷⁶ Respeita;

3. Estrutura Konseihu Kombatenes Libertasaun Nasionál define ho dekretu-lei, halo konsultasaun ho organizasaun representativa sira husi Kombatenes Libertasaun Nasionál.
4. Membru-sira⁷⁷ husi Konseihu Kombatenes Libertasaun Nasionál sei simu posse husi membru Governu ne'ebé responsável ba assuntu Kombatenes Libertasaun Nasionál, hafoin eleitu husi Kombatenes Libertasaun Nasionál ne'ebé reunu iha Kongresu.
5. Ba efektu-sira previstu iha n.º 2, kompete⁷⁸ ba Governu atu decide konaba oportunidade no matérias sira ne'ebé nia hakarak atu rona husi Konseihu Kombatenes Libertasaun Nasionál.
6. Reuniaun konsulta ho Governu sei konvoka no prezide hosi Primeiru-Ministru ou membru Governu ida ne'ebé nia delega poder ne'e.
7. Ezérsisiu funsaun hanesan membru Konseihu Kombatenes Libertasaun Nasionál laiha remunerasaun, Governu bele atribui subsídiu ida hodi apoiu ba sira-nia atividade.
8. [Revogadu].
9. Governu assegura protesaun espesiál ba investimentu Fundu Veteranus iha atividade jeradoras rendimentu sira ne'ebé desenvolve husi Konseihu Kombatenes Libertasaun Nasionál.

⁷⁷ Refere ba estrutura eleitu husi kongressu CCLN;

⁷⁸ Depende;

Kapítulu V

Istória ba Rezisténsia no ba Luta Libertasaun Nasionál

Artigu 36.⁰

Istória Luta ba Libertasaun Nasionál

Ho deliberasaun husi Governu, sei kria Komisaun Nasionál Sientífika Independente ida konaba Istória Luta ba Libertasaun Nasionál, kompostu husi personalidade sira ne'ebé iha rekonhesimentu idoneidade⁷⁹ no méritu sientífiku⁸⁰, ho mandatu hodi hakerek istória atuál hosi Rezisténsia Timorensé kontra okupasaun estraheira.

Artigu 37.⁰

Muzeu no Arkivu Rezisténsia Nasionál

1. Hari Muzeu no Arkivu Rezisténsia Nasionál, hanesan meius ida hodi prezerva no divulga tradisaun sira, valóres no feitos⁸¹ heroiku sira nian iha luta ba independénsia nasional.
2. Governu sei regula no delibera konaba medidas hotu-hotu ne'ebé nessesáriu ba instalasaun no funcionamentu husi Muzeu no Arkivu Rezisténsia Nasionál.

⁷⁹ Kredibilidade pessoal ne'ebé mak iha konfiansa no iha integridade ás ba grau akademiku, lealdade, seriedade e honestidade;

⁸⁰ Akademista ou pesquizador ba istória;

⁸¹ Refere ba asaun, práttikas, akontesimentu, faktus, obras, traballu sira, inisiativas, kometimentu, tentativa, eventus, sakrifisiu nss husi Erois sira iha tempu luta;

Kapítulu VI

Dispozisaun finais

Artigu 38.⁰

Desmobilizasaun ba Kombatentes FALINTIL

1. Estadu Timor-Leste sei realiza serimónia ofisiál, solene no públiku, atribuisaun patente militar no desmobilizasaun ba Kombatentes FALINTIL sira ne'ebé ativu to'o loron 25 fulan Outubru tinan-1999.
2. Governu defini patente ne'ebé sei atribui ba kada Kombatente-sira ida-idak, tuir proposta husi Xefe Estadu Maior-Jeneral Forsas Armadas, uza kritériu idéntiku ne'ebé aplika-hela ba Kombatentes-sira inkorporadu iha FALINTIL-FDTL.
3. Prezidente Repúblika mak prizide serimónia desmobilizasaun.

Artigu 39.⁰

Poder Jerál ba Regulamentasaun

Aleinde⁸² expresamente mensionadu, kompete ba Governu atu lejisla⁸³ buat hotu ne'ebé iha nesessidade ba kumprimentu husi dispozisaun iha lei ida-ne'e.

⁸² La'os-deit buat sira ne'ebé mak temi ona ou fora husi buat ne'ebé mak hakerek ona;

⁸³ Halo regra hodi implementa lei ne'e;

Artigu 40.⁰

Medida Implementasaun

1. Direitu no medida sira seluk ne'ebé konsegra⁸⁴ iha lei ne'e sei implementa ho gradualmente⁸⁵, bazeia ba possibilidade finansiera no kapasidade institusional husi Estadu, sei kompete ba Governu hodi determina ninia prioridade konforme kritériu sira ne'ebé iha no grau ba nesessidade ou vulnerabilidade husi benefisiáriu sira no razaun sira seluk ne'ebé pondaraveis⁸⁶.
2. Governu iha kedas autorizasaun atu foti medida orsamentál ne'ebé nesessáriu ba ezekusaun lei ida-ne'e no regra regulamentar sira rasik.

Artigu 41.⁰

Tama iha Vigor

Lei ida ne'e tama iha vigor iha loron tui mai ninia publikasaun.

Hetan aprovasaun iha loron 13 fulan Marsu tinan-2006

Prezidente Parlamentu Nasionál,

Francisco Guterres "Lu-Olo"

⁸⁴ Hakerek ona;

⁸⁵ Fazeadamente tuir kapasidade governu;

⁸⁶ Razaun sira ne'ebé persija tetu didiak ho ninia justifikasaun no konsidera importante tuir avaliasaun sira; Ex. Saúde no sosial nss.

Promulgadu iha loron 5 fulan Abril tinan-2006

Publika

Prezidente Repúblika

Kay Rala Xanana Gusmão

TEXTO DA PROCLAMAÇÃO DA INDEPENDÊNCIA

Encarnando a aspiração suprema do povo de Timor-Leste e para salvaguarda dos seus mais legítimos direitos e interesses como nação soberana, o comité central da FRENTE REVOLUCIONÁRIA DE TIMOR-LESTE INDEPENDENTE- FRETILIN- decreta e eu proclamo, unilateralmente, a independência de Timor-Leste que passa a ser, a partir das 00h00 de hoje, a República Democrática de Timor-Leste, anti-colonialista e anti-imperialista.

Viva a República Democrática de Timor-Leste

Viva o povo de Timor-Leste Livre e Independente

Viva a FRETILIN!

HINO DA REVOLUÇÃO

FOHO RAMELAU

Hei Foho Ramelau, O Foho Ramelau
Sá be aas liu o tutun?
Sa be bein liu o lolon?

Tan sá Timor oan hakruk be-beik?
Tan sá Timor ulun sudur oioin?
Tan sá Timor oan a'atan oioin?

Hader! Rai-hun mutin ona la!
Hader! Loron foun sa'e ona la!

Loke matan! Loron foun to'o iha o knua!
Loke matan! Loron foun iha ita rain!

Hader! Kaer rasik o nia kuda talin!
Hader! Ukun rasik ita nia rain!

HINO NACIONAL RDTL

Pátria, Pátria, Timor-Leste, nossa Nação
Glória ao povo e aos heróis da nossa libertação
Pátria, Pátria, Timor-Leste, nossa Nação
Glória ao povo e aos heróis da nossa libertação.2x

Vencemos o colonialismo
Gritamos: Abaixo o imperialismo
Terra livre, povo livre
Não, não, não à exploração

Avante unidos firmes e decididos
Na luta contra o imperialismo
O inimigo dos povos, até à vitória final
Pelo caminho da revolução!

HINO DAS FALINTIL

Funu Nain FALINTIL

Kalan loron
Wai loron rai udan
Funu nain FALINTIL
Sei satan netik
Anin bot tasi nian

Funu nain FALINTIL
Halo tuir ema nia lian
Tuba rai metin
Kilat iha liman
Ho neon ho laran tomak

Hodi kilat iha liman rua
Bele terus susar ho hamlaha
Aten bot atu halo
Funu ida kleur
Ba sa loron ida sei manan

Funu nain FALINTIL
Hanesan mos hori uluk
Hodi ran, hodi isin
Satan nafatin
Anin bot tasi nian

Hino dos Veteranos

Três de Março-Data Indelével.
Que Marcou o Renascer da Esperança
Três de Marco-Compromisso e Juramento
Sob os Ossos dos Heróis Já Tombados

Ref:

*Avante, Companheiros Avante!!!
Erguida em Sangue a Bandeira da Nação
Perante o Povo e Perante o Mundo
Pela Pátria, Firmeza e Convicção-2x*

Três de Março Perpetuar-se-á
P'las Gerações Vindouras a Memória
Em Defeza da Complete Soberania
Vamos Unir Forças Para a Vitória